

Rangárþing bs  
Rúnar Guðmundsson  
Ormsvelli 1  
860 Hvolsvöllur

Umhverfisstofnun	
Áb.	_____
16. maí 2011 10.4.3	
Tilv.	_____



UMHVERFISSTOFNUN

Reykjavík, 11. maí 2011  
Tilvísun: UST20110300093/vgh

### Breytingar á deiliskipulagi fyrir Búðarhálsvirkjun og nágrenni

Vísað er til bréfs Rúnars Guðmundssonar skipulags- og byggingafulltrúa Rangárþings, dags. 15. mars s.l. Þar sem óskað er eftir umsögn Umhverfisstofnunar vegna breytinga á deiliskipulagi fyrir Búðarhálsvirkjun og nágrenni. Breytingin hefur áhrif á aðalskipulag í Ásahreppi og Rangárþingi ytra. Framkvæmdin hefur farið í mat á umhverfisáhrifum.

Breytingarnar ná til þess að 1) afmörkun skipulagssvæðisins er breytt til að ná yfir breytta legu Búðarhálslínu 1 og nýtt tengivirki við Langöldu 2) iðnaðarsvæði minnkar verulega og eru afmörkuð 4 minni iðnaðarsvæði. Gert ráð fyrir nýju tengivirki á iðnaðarsvæði norðan við Langöldu 3) Námur E1-E3 færast til og stærð þeirra breytist 4) Búðarhálslína 1 er færð um 3 km til norðausturs, þar sem hún þverar Tungnaá 5) Landnotkunarflokkurinn „almennt verndarsvæði“ er felldur út þar sem hann á sér ekki skýrskotun í lögum. Örnefni og aðrir kortagrunnar eru uppfærðir í samræmi við ný grunngöng. Að öðru leyti gildir deiliskipulag sem dagsett er 14. febrúar 2001.

### Afmörkun skipulagssvæðis – breytt lega Búðarhálslínu 1 – nýtt tengivirki við Langöldu

Með breytingunni mun nýtt línustæði liggja frá Búðarhálsvirkjun og að mestu beint í suður yfir Búðarháls og þvert að Hrauneyjafosslínu 1. Línan fer yfir Tungnaá rúmum 2 km austar en áður var gert ráð fyrir. Skipulagsstofnun komst að þeirri niðurstöðu að þessi breyting hafi ekki í för með sér umtalsverð umhverfisáhrif og skuli því ekki matskyld. Lega Búðarhálslínu hefur ekki áhrif á svæðisskipulag miðhálandisins. Samsvarandi breyting er gerð á aðalskipulagi Ásahrepp og Rangárþings ytra. Helstu umhverfisáhrifin af framkvæmdinni verða sjónræns eðlis þ.e. þar sem lína kemur ofan af Búðarhálsi að núverandi háspennulínu Hrauneyjarfosslínu 1 og Sigöldulínu 3. Mótvægisáðgerðir felast í því að samnýta vegi fyrir virkjun og háspennulínu og umhverfisáhrif þannig minnkuð.

Athugasemdir Umhverfisstofnunar

Umhverfisstofnun gerir ekki athugasemdir við fyrirhugaða breytingu á vegstæði Búðarháslínu 1 eða við aðrar ofangreindar breytingar er tengjast framkvæmdinni.

Virðingarfyllst



Hjalti J. Guðmundsson  
sviðsstjóri



Vilborg G. Hansen  
sérfræðingur